

Phra' kham dé' koon ngaak  
go' oor da'

Reh Caak  
Haan



Gôn kooc: Edward Hughes

Gôn tèèng hruup: Janie Forest  
Alastair Paterson

Gôn kdoon: Lyn Doerksen

Gôn tèèng hrlo': [www.Christian-translation.com](http://www.Christian-translation.com)

Gaay caak: Bible for Children  
[www.M1914.org](http://www.M1914.org)

©2022 Bible for Children, Inc.


Sit: Mé ah sit kooc uun lwang gi, 'nay mé am ah sit téc no.



Cmkwn baang gôn da'  
rngkoong môk, mat dé'  
ba lm'maak hrñwam  
srme' guuñ môôy  
hruup oor yo' dé ngo'.  
Koon cmbro' dé' ba  
keet cu' yat sih léh  
ci haan. Ma' meh  
Maria, kap ba da'  
gaay root léh no  
plak Phra' Yésu  
pktak da'  
s'oong klnèng.




Nèèv hmeh yar khwan?  
Tèèng hmeh Phra' Yésu  
phaan jan blia dé' Ge  
oor yo' dé ngo' hmwan  
dôk gni'? Tèèng  
hmeh Phra'  
Cav tang Koon  
dé' Ge yo' no  
plak pktak da' s'oong  
klnèng kap haan da'  
gni'? Phra' Yésu go'  
srông ñak Ge meh me'  
bo'? Phra' Cav tèèng  
hmeh am grop bo'?



Am! Phra' Cav am ah hmeh  
srông. Phra' Yésu am ah  
hmeh srông. Phra' Yésu  
neeng Ge ci haan yoor sah  
bwwng gôn sua. Da' ñaam  
thi Phra' Yésu meh môôy  
koon ngaak, cmbro' môôy  
gôn sngmeh Siméôôn go'  
yo' ya' Maria sah no  
hnoong go' reh dwn  
Im' maak hrñwam srme'.





Kaal Phra' Yésu haan, môôy  
cmkwn baang gôn go' yoh  
da' kap moot ôm h'wr  
da krvèh dé' Ge. "Ba gni'  
meh gôn jong kmuul," bwwng  
luuksit go' lav. "Ba gni' tènèng  
nèèv le'," Phra' Yésu go' yèh. "Ba gni'  
tènèng nèèv gi tang tmkwt ô'." Lwang pa' lôôc!



Hôôc, Yuda, môôy da'  
luuksit gal-baar gôn dé'  
Phra' Yésu, go' kbôt Phra'  
Yésu yo' bwwng huana  
p-lôhit tang ah 30 kmuul.



Léh ci root ñaam 'mun be' mah pook  
am ah jwa pdô', swng no k'eey sah  
meh 'mun Patska, Phra' Yésu ah  
triam da' knswt broom luuksit dé' Ge.  
Ge go' lav bwwng nèèv blia ñak Phra'  
Cav kap bwwng krloh srô' dé' Ge yo'  
bwwng gôn yo' ô' rak Ge. Hôôc Phra'  
Yésu go' oor mah pook kap glêêk  
tang no pan broom. Bwwng  
nèèv gni' mook no  
neeng sah loh  
lam kap maam dé'  
Phra' Yésu koor  
juur ñak meh hrlo'  
klwyh hrlo' 'maap.






Hôôc, Phra' Yésu maañ bwwng luuksit dé' Ge sah ah gôn ci kbôt Ge, kap no ci reh dar yoh. "Ô' broom lèèv ci yoh yo' mé, am lav ci guut khuk cam root khan haan.," Pétrô go' lav. "Kaal h'iar tr'ô' pswam jua, mé ci lav dé am neeng ô' cam root pé' dwa", Phra' Yésu go' yèh.



Pswam gni' , Phra' Yésu go'  
hlian yoh da' Môk Plé' Kôk  
théét 'moon dé geey yoh  
kap oonvoon. Bwwng  
luuksit yat broom Ge go'  
sih looc. "Phra' Yông eey."  
Phra' Yésu go' oonvoon,  
"... An mé hak bo hrñwam  
go' khro an glêêk da' hrlo'  
thuk thoramaan hnuay gi  
hndriit yoh glaat ô' 'nè.  
Nèèv me' go' le'; khro ha'  
an meh hmwan dôk ô' trget,  
'nay an meh hmwan hrñwam  
gu' dé' Phra' Yông em!"



Ah gw' gôn gaay root hni', lè' ta'  
Yuda yo'ge meh gôn oor no gaay.  
Phra' Yésu am tlah, 'nay Pétrô ñak  
rmeey dé' môôy cmbro' gôn. Lwng  
thrni' léét, Phra' Yésu go' yoh  
kndôp ngang cmbro' gôn gni',  
lè' srnwm an le' hmwan hmang.  
Phra' Yésu neeng nèèv  
kmsang Ge meh môôy da'  
bwwng hmwan dôk krloh  
srô' dé' Phra' Cav.



Gw' gôn go' grwp Phra' Yésu lè' grôôp ge yoh da'  
gaang huana p-lôhit. Yat da' gni', bwwng thavkè gôn  
Jiiv go' lav sah Phra' Yésu du'  
haan. Mwa no mal  
phrwa da' ling kntiing  
hôôc oor yo' dén  
knjwar, Pétrô go'  
guut dén broom no.



Ah pé' dwa lôôc jwm gôn gaay guuñ Pétrô hôôc lav  
sah: "Ge geey yat broom Phra' Yésu!" Pé' dwa Pétrô  
lav dé am neeng Ge, grop hmwan dôk  
krloh srô' dé' Phra'  
Yésu go' lav. Pétrô  
go' srô' th'map kap  
kjuh ôm t'a' phrak.




CÚC CU CU



Ñaam Pétrô srô' hnoong  
am da' swt krloh, h'iar  
go' tr'ô'. Hmwan dôk Phra'  
Cav go' maañ Pétrô. Pétrô tang  
trget bwp krloh srô' thi Phra' Ông  
bwan lav uun yo' dé, Hôôc Pétrô  
go' hlian yaam da' nook 'yaang  
thuk kloong hmoong hrñwam srme'.





Yuda go' khro an hrlo'  
klwyh hrlo' 'maap. Ge  
neeng Phra' Yésu am ah  
'maap hmeh. Yuda go' gay  
30 kmuul, 'nay bwwng  
huana p-lôhit am moot.






Yuda hvat kmuul  
juur, go' hlian da'  
nook - kap phaen ge.







Bwwng huana p-lôhit thi yat  
'moon sumlum hni' 'nê' go' reh  
dwn lè' grôôp Phra' Yésu yoh  
coro cav khvèèng Pilaat, naay  
root t-haan gôn Rôôm.  
Pilaat go' lav sah: "Ô'  
am guuñ cmbro' gôn gi  
tèèng klwyh hmeh 'môôy  
nèèv." 'Nay no hèèt ôôr  
siang rèèng khwan sah,  
"Plak ge pktak da' s'oong  
klnèng! W, plak ge da'  
s'oong klnèng!"



Da' knswt Pilaat tang smla' lwang  
Phra' Yésu haan da' s'oong klnèng.  
T-haan go' léév phaàn Phra' Yésu,  
kjuh ôm t'a' phrak kap pu' vwt Ge.  
No tèèng môôy nèèv sua meh yo'  
rum crla' da' kmpông dé' Ge. Hôôc,  
No plak ge pktak da' s'oong klnèng  
thi géét hlém tang haan.



Phra' Yésu go' neeng Ge ci haan dôk gni'. Ge go'  
neeng sah lwang Ge haan ci hrlo' klwyh hrlo' 'maap  
dé' gôn go' dwwm Ge. Bwwng t-haan bwan tmbrih  
côn cmbro' kbaar gôn gni'  
gaay ci phaam pic broom  
Phra' Yésu. Môôy gôn go'  
dwwm Phra' Yésu - kap go'  
yoh da' svan 'moon le'  
'moon sm'maay.  
Gôn gni' meh am.



Yat yoh graav maak smôông toong  
rwng thuk thoramaan, Phra' Yésu  
go' lav sah: "Lwang thrgi go'  
ci cup ci smlét" kap haan.

Lwang dé' Ge go' ci cup  
ci smlét. Bwwng  
luuksit tmkwt Ge  
da' môôy hntu'  
ung hnoong am

da' ah me' geey  
plah trloong dé'  
me' 'môôy dwa.




Hôôc T-haan gôn Rôôm  
go' no grwp hntu' ung.  
'Nay kh'ni' am me'  
bwan guut - lw hlian.



An gi meh da' knswt dé'  
lwang meh ci lm'maak  
hrñwam srme'. 'Nay  
Phra' Cav tèèng môôy  
nèèv hak bo hrñwam.  
Phra' Yésu am  
haan dôk gni'!



Sih reh yo' sruat van athit ñaam  
bri' hnoong Ingiñ cw-phrw,  
bwwng luuksit dé' Phra' Yésu  
lè' sno bwan guñ glaang  
thi briang dwang gaay  
klwt prlông hntu' ung  
gni' hay hmpaang  
hlian. Dngni' no  
tang guut yoh  
yèèng




hôôc go' am bay  
guñ trloong dé'  
Ông Phra' Yésu.



Môôy cmkwn baang gôn yat da' gi, yaam  
trnèèm blah hntu' ung. Phra' Yésu go'  
root dwn yat ling ba! Ba dé khrayh  
nêêm reh dar yoh tang phwwn  
lwang yo' bwwng luuksit gbang.


"ÔNG YÉSU BWAN VÉR GAAY  
CAAK HAAN SRME'! ÔNG  
YÉSU GO' BWAN VÉR  
GAAY



CAAK HAAN SRME'!"







---

Hôôc, Phra' Yésu go' yoh da' broom bwwng luuksit kap  
ge go' laar ti' dé' dé an no yèèng. Gni' meh srme'.

**PHRA' YÉSU BWAN VÉR GAAY CAAK HAAN!**

Ge hrlo' klwyh hrlo' 'maap dé' Pétrô yoor sah go'  
lav dé am neeng Ge, kap lav bwwng luuksit dé' Ge  
phwwn lwang ñak Ge yo' lôôc jwm gôn. Hôôc Ge na  
go' vér gaay da' svan 'moon le' 'moon sm'maay.



# Reh Caak Haan

Môôy Iwang gaay caak Krloh srô' dé' Phra' Cav,  
Phra' kham

bwan guuñ yat da'

Matthaay 26-28    Luka 22-24  
Yôhan 13-21

"Ngor dé' Krloh srô' go' oor da' sèèng trbah."  
Phra' kham 119:130



Da' knswt

54

60



Lwang Phra' kham gi mook í neeng ñak Phra' Cav hnam jông,  
Ge keet í kap meh Ge cu' an mé neeng ñak Ge.

Phra' Cav neeng í tềng bwwng lwang sua, Ge lav meh 'maap.  
Bwp thôt yo' 'maap meh haan, 'nay Phra' Cav yo' ô' rak mé  
maak Ge go' srông koon cmbro' knmôôy gôn dé' Ge, Phra' Yésu,  
haan da' s'oong klnèng kap bwp thôt yo' 'maap dé' mé. Hôôc  
Phra' Yésu reh caak haan kap na go' vér gaay svan 'moon le'  
'moon sm'maay! An mé dwwm Phra' Yésu kap khro an Ge hrlo'  
klwyh hrlo' 'maap, Ge ci tềng lwang thrgi! Ge ci go' yoh da'  
kap yat broom mé gay kap mé ci yat broom Ge am laac yoh  
'môôy bat.

An mé dwwm gi meh srme', yoh maañ Phra' Cav sah:  
Naay eey!, Ô' dwwm Ge meh Phra' Cav, kap ci meh gôn haan  
yoor sah 'maap dé' ô', kap 'nay kh'ni' Ge reh caak haan. Khro  
an Ge yoh da' blah ô' kap hrlo' klwyh hrlo' 'maap dé' ô', lèèv ô'  
ah jua hmmé', kap môôy mw hmeh ci bwan yat broom Ge am  
laac yoh 'môôy bat. Khro an Ge tềng hmeh yo' ô' méc krloh  
srô' dé' Ge kap blwar yoor sah Ge meh koon dé' Ge. Amen.

Aan Phra' kham kap maañ Phra' Cav jwmmw! Yôhan 3:16

